

آثار و کتب محمد علی

علم و ادبانه باعث آبله موقوفه

مندرجات

ارضرونده بدیدی اثر	احمد خلیل	حاج	محمد عالم
محیطی	محمد عالم	آنادولو قادیانی	ضیاء الدین فخری
صولله کوکلم	علی ممتاز	تاریخچه کوموشخانه	عبد الرحمن شریف
احقاق حق	عبد الرحمن	معدنلری	علی حکمت
درویش	نجیب فاضل	یاقوت داغ	کمال احمد

آبله ایزی: ملک - بویوک کون - توله ن صنعت تولیدیریلن صنعتکار -
بایورد مکتوبی



۱۳۴۱
ایلول ۱۳۴۱

قانادی قوپوق بر قوش کبی یوامزده اویوقلامی ؛ دورک طوقادینی ؛ تکمه‌سنی بکله مک دیمکدر . کیممز حیاتمزله ؛ کیمیز چکیچ واورسمزله ، کیمیز عرفانمزله بر امل اوغرنده مساعی به قوبوله جغز . ایشته یکی دنیانک ، یکی زمانک ضروری قیادینی حیات بودر . بو حیاتک ایجاب و مجبوریتلرینه اویماقجه یاشامق یوقدر . مسلک آکلاتمق طایتمق ایسته‌دیکی بو حقیقتی اوکرمه‌دکجه ، یاشاسامق بیله ، بزه رفاه و سعادت مقدر دکلدور .

مسلک همان همان نقصانز برغزته‌دور . حیاتی علاقه‌دار ایدن علمی بختلردن باشلایه‌رق عملی مسئله‌لره قادار هر موضوعی بولمق قابلدور . مسلکده اکر مطلقاً اکیک قالان بر جهتی سچوب کوسترمک لازم کلیرسه ، دییه بیلیرزکه ، بوغزته حیاته چوق مادی بر کوزله باقیور ، حیاتی بر جسم کبی ، بر دهمبر کولچه‌سی ، بر طاش یغینی خالنده تدقیق ایدیور . حالبوکه ، حیات نه اوقادار سرت ؛ نه یوقدر حامددر . انسانلرک معده‌سی اولدینی کبی برده قابیری واردر . دماغنرک دوشونمک خاصه‌سی یاننده برده سزیمک حس ایتمک قدرتی خالق اولونمشدر . آنادولوده تارلانندن یورغون دونن کویلی قیریق دوکوک بر قاوال سنک یاتیق باغیرینه چاریمه‌سی بکلر ، برده برده ، ایچنه سرپیلان بوسی دیکله دیکله بیتایبسی اونوتور : ایشته حیاتک آچی ، خشین طرفلریله برلکده بویموشاق ، لذت طرفی مسلکده مع الاسف برله‌شهیور ، کوزلریز متادیا قانی بر مجادله اوحه‌سنه صاپالانوب قالیور . مشتمک یاننده ذوق واستراحت‌ده اولدینی کیزله‌مک انسانلری مکافاتز برمساعی به چاغیرمقدر . اونک ایچون آرزو ایدرزکه مسلک بزی بر مدت حیاتک جتن یوقوشلرنده قوشدیردقن صوکره ، بر آزده سرین وکولکلی وادیلرنده دولاشدیرسین ، دوم دوز و صوسز بچوللرده بر قطره‌نک قیمتی آکلاتدقن صوکرایم یشیل بر وادیده رؤیاسز بر اویقویه براقسین . هر حالده انسان ، یالکز اتدن ، کمیکدن مرکب دکلدور .

مسلک فکرلریزه ، حسلیمزه اک یقین برارقداشمز ، ده‌ا دوغریسی قارده‌شمزدر . مسلکی چوق سه‌وه‌رز و محررلرینه آیری آیری چوق حرمت ایده‌رز . یوقاریده سرد ایتدیکمز مطالعه‌لرده یا کلشاق وارسه ، بونی خلوصمزه باغشلا سینلر .

اسماء بیل نامی

بو بویوک کریمه . — هر ملتک تاریخنده ملی ایرام عد اولونان بویوک کونلر صاییلیدر . بوتون بر ملتک روحیه ، وارلیقه تسعید ایده‌جکی بو بویوک کونلری تنیت ایتمک وظیفه‌سی

ایسه ، تاریخ در عهد آیه مشدر . تاریخ ، بو احیل اختیار ، بو عصر دیده حاکم ، ملئرک قابی قابلا یوب امیدنی تقویه و عزمنی تشجیع ایدن بویوک کونلری ، انحرافمز بر اصابت ، حقیقی بر صحتله تعینده اوقادار استاددرکه ، یوزلرجه سنه دنبری بر دفعه بیله یا کلدیغی نه کورولش ، نه ده ایشیدیلشدر . هر ملت ، تاریخک بو شاهناز آحابیله بویوک کوتنی بولش ، طامیش ، بنه مش ، تسعید و تقدیس ایشدر .

اون سکزنجی عصرک صوکنه قادار هر مملکتده تسعید اولانان بویوک کونلر ، یورطیلردن ، دینی بایراملردن عبارتدی . اون طقوزنجی عصرده ملیت جریانلری قوتلنجه ، دینی کونلرله برابر ملی کونلرده ، وجد و سرور ، عبادت و هیجان کونلری اولدی . هر مات آراتق یالکیز دینی کونلرینی دکل ، ملی کونلرینی ده بویوک کونلردن صایدی ، بو کونلرده ده جوشدی ، تیزه دی ، سویندی ، کولدی ، بایرام یادی . عمومی تاریخ ، دنیا تاریخی بو خصوصده پک چوق مثاللر احتوا ایدر . بو مثاللری بوراده تکرار ایتمه لزوم یوقدر ، صابرز .

ملئرک تسعید ایتدیکی بویوک کونلر عمومیت اوزره وطنلرینک ویا حریتلرینک استخلاصه تصادف ایدن کونلردر . کوکننده ملیت عشقی صافلابان فرنگلر ایچون وطن و حریتدن ده ا مقدس بر جوهر اوله میه جنی کبی ، بملکنی حس ایتش ملئرلر ایچونده بونلردن قیتمدار بر ثروت یوقدر . اللهه طابان فردلر غننده عذاب و جهنم نه ایسه ، ملیتی ادراک ایدن اجتماعی هیئتلر تزدنده وطنسزاق ، حریتسزاک اودر . بو اعتبار ایله ملیت اکسیرینک لذتی طادان ملئر ، وطن و حریتلرینک خلاصه شاعد اولان کونلری تسعید آیه مکی بر وظیفه طامیشلر ، بر عبادت بیامشاردر .

اسی تورک تاریخنده اجدادیمزک هانکی کونلری ملی نایزام عدایده رک تسعید ایتدکلرینی مع الاسف بولامیورز . شهسزکه بونارک بویوک و مقدس صابدفاری کونلری واردی . اونلر ، شیمدی اونوتولش ، ماضینک انقاضی آراسنده قلشدر . مع مافیه تاریخ بونلری قید و ضبط ایتش اولسه یدی بیله ، بز بلکه آرتق بو کونلرده قلمیزی آتشله یه جک قیویلمجی بولامیه جقدق .

تورک تاریخک یکی دورینه کلنجه ، بو دورده ، ملی بایرام یایمق صورتیه تسعید ایده جکمز بویوک کونلر چوق بارلاق ، کوش کی هر کس طرفدن کوریلیر ، هر کس طرفدن تقریق ایدیلیر . فقط بونلر آراسنده بالخاصه بردانه سی ورکه ، یکی تاریخمز ، یکی تورک تاریخی د بوکونی تسعید ایدیکز ، دیبه قاج عصر در ماورادن سهله نیور . بوکون تورک لارک

ملا ز کرد میدان محاربه‌سی قازاندینی کوندرد . بو کون آنادولونك حدودلرینی تورکاره . آجان ظفر کونیدر ، بوکون شرقی روما ایمپراطورلنك محکم اردوسی تورکمن پادشاهی بویوک آلپ آرسلانك سوارلری اوکنده تارمار اولدی ، بوکون شرقی روما ایمپراطوری رومن دیوژنه‌سی سلجوق قهرمانلرینك ائنه اسیر دوشدی ، استانبولك تورکله وعد اولوندینی کون ایشته بوکوندرد ، بوکون آنادولو فتحك باشلادینی ۲۶ آغستوس کونیدرد . تاریخمز - صوك ظفریمز استقا ایدیلدیکی حالد - بوکون قادار بویوک ، مبارک ، مقدس ، مسعود بر کون دغا قید ایتمه‌یور . اگر وطن و ملتیزی خارجی و داخلی ایکی دوشمانك آلدن قورتاران صوك ظفر اوله‌سه‌یدی ، ۲۶ آغستوس تاریخی ، مجله حیاتزده منفرد بر بایرام کونی اوله‌رق یازیلی قالاچقدی . ۲۶ آغستوس کونی ملا ز کردده سلجوق اردوسی باشده پادشاهی اولق اوزره بر ظفر قازاندی و بزه بر وطن تأمین ایستدی . ۳۱ آغستوسده تورک اردوسی دولی پیکارده بو وطنی ایکنجی دفعه قورتارارق ملتیزی حربته تکرار قاووشدیردی . یکی تورک تاریخنده ملی بایرام عدینه لایق اولان یالکنز بو ایکی کوندرد . بونلر یکدیگرینی اتمام و اکمال ایدن مقدس کونلردرد . بویاکی کونده سانجاقلرینی وطنك بری شرقده ، دیگر بری غربنده آجان ایکی تورک اردوسی خیالزده رسم کجید یاپمیلدر . بو یخیل رسم ، بونون تاریخمزك خلاصه‌سیدر . آنادولو تورکری بو ایکی بایرام کونی بیلملی و تقدیس ایلمیلدر .

تولمه خدمت نریمیلدن صنفه - اونلری اکثریتله کوردردم . بکنلری صولوق ، افقلرده معنا آرایان کوزلری دالین و آللری قیریشقدرد . استقباله معطوف امیدلری الك قارا کاق کیچهلردن دها سیاهدرد . بوزواللی ، بختسز چوجوقلری ، شهرک الک اوجرا سئلرنده کی اولردن مکتبلرینه قدر طاشیان برر یرتیق فوطیندر . قارنلری آجدر . کیم بیلیر ، هانکی دأره‌ك بش ، اون غروشاق مأموری اولان بابالرینك ، اکمک باراسندن آرتیرا بیلدیکی بش ، اون پارا ایله ، اوکله ییکی بابارلر ..

اونلرک بو فقیر مادی وارقلری یانده ، مملکتنده برده معنوی ویوکک وارقلری واردرکه مقایسه‌سی باش دوندورور : بو چوجقلر کنج و فیاض جمهوریتک ، صنایع نفیسه ، علم و فن اوردوسی در . ایچلرنده بعضیسی طانیرم که صنعت حیاتلرینك تام انکشاف دوره‌سی یاشادقلری حالد ، سفیل و یریشاندرد .. صنایع نفیسه‌ك چوق مستعد برچوجقتی کچلرنده آچلقدن صالانیر کی کوردرد .. او چوجق که دها بر هفته اول ، غلطه سرای سرکیسنده تنهیر ایندیکی برایکی نابلوسی ایچون تقدیر طوبیلامش و بر آوروپالی ، مملکتنده ستایشکار بر مقاله نشر ایتمشدر ...

بو گنج مکتبلی آرقداشارده صنعتک اولکون سیاسی و صنعتکارک جان چکیشن
حزین حالی کورورم . صنعتک آئنده صنعتکار و صنعتکارک آئنده صنعت اولک اوزره در .

٥

دون بویله ایدی : اون، اون ایکی سه قدر اول چین اقوامی، ژاپون تاریخ سیاسی
کی مملکتده ایشلمهش موضوعار اوزرنده قیمتدار اثرلر نشر ایدن بر ذات طانیورم که
کوردیکی لاقیدی یوزندن حیانتک صنعته عائد تحیفه سنی قایمئدر ..
اونک مملکت قلمیه یالچینی خدمتک ، بوکون شهر یاپدینی اقتصادی و بلدی خدمتدن چوق
دها یوکسک اولدیغنده کیم شبهه ایدر ؟

وینه یرکنج طانیرم که، دها مکتب صیرالرنده ایکن قارالادینی یازیلرده ، خواجه لری
بویوک بر استعداد کورمش واونی صنعته تشویق ایتلردی . . زواللی کنج ، حیانتک
اک قیمتلی بر قاج سنی تدقیق و تتبع ایله اولدوردی . ادبیات فا کولته سیه دوام ایدیور ،
عزیز استادلرک توجهلرینه ، تاطیلرینه مظهر اولیوردی . . فقط بو چوجوغک
روحي احتیاجی یانده ، برده معدنه سنک احتیاجی واردی که ، نهایت اولتی ، اوج بحق
غروشاکی بر آووقات کاتبلیکی بولدینی زمان، صنعتدن، روحی احتیاجانندن امید کسرهک تطمین
ایده بیلدی . بوکون اوده ، بر زمان کندیشنی آج برافان صنعتدن متفر ، و بر دائره نک
مأموریدر ، بام بشته بر ساحده مقدراتی کوده رکن ، حیانتدن چوق شکایتی یوقدر .
استعدادی ، هوسی اولدینی ایچون دکل ، مادی حیاتی تأمین ایله برابر ، تعقیب
ایده بیله جکی بر فا کولته یه دوام ایدن بو بختمز کنج آرقداش . . دون اک کوزهل بر اثر
صنعتک قارشیننده دویدینی ذوقی ، بوکون ، چنده کی بش اون غروش و معدنه سنده کی
بر قاج لقمه ده بولیور . .

٥

نه یازیق که دون بویله ایدی . بوکون بویله اولیور . . یارین ده بویله اولاجق . .
زواللی چوجوقلر ! سز و سزک کی نیجه مستعد ذکالر ، حیانتک بیک بر احتیاجی
قارشیننده ، استعدادلرینک کندیلرینی سوق ایتدیکی صنعت وجهه سنی تبدیل مجبوریتده
قالدیلر . کوچوک بر یاردیمک اسیرکنسی و نهایتمز لاقیدی - دوام ایده بیلسه ایدیلر -
بوکون مملکتک ، افتخار ایده جکی برر صنعتکاری اولالری قطعاً محقق نیجه کنجی ،

بسوتون آیری وضعتدن اوزاق ساحلرده چالیشیق مجبوریتده بر اقدی . یارین سزکده اونلره التحاق ائیمه جککیزی بکا کیم تأمین ایدره ؟ یابان یورو مکدن آیاقلیریکنز پارچالا نیرکن ، و آجلقدن باشکنز دوزرکن ، بکا کیم تأمین ایدرکه بو کون صنعتده معنوی بر ذوق و حضور بولان روحلریکنز ، یارین بو حضور و ذوق بر دیلیم املک و بر طباق یمکله دکیشمیه جکدر .

ن

بو کون او چوقق ، یارین بوکنج ، او بر کون شو آدام صنعت دنیلن قلور و فورمله بایلتاراق اولدورولورسه ، چوقق یاقین بر آتیده صنعتکارک اولدینی قدر صنعتکده جنازه نمازینی قیلحق و هر ایکیدی ایچون مغفورله دیمکدن بشقه چاره قالمیه جقدر . ایسته حزین و فقط نه یازیق که مقدر اولان نتیجه .

و

بو سطرلر ، معارف و کالتک نظر دقتی جلب ایدرک عالی مکتبلرده سونمک اوزره بوانان مستعد ذکالره آلی اوزاتماسته باعث اولورسه بئم ایچون نه موطلو !

شرف لاطم

بایورد مکتوبی . — مجموعه من بایورددن کلن و محلی خبرلردن بحث ایدن اوزون بر مکتوبک شو سطرلرینی نمونیتله صحیفه لری ایچینه آلمقده در . « بایورد آنادولونک شانلی ، تاریخی شهرلرندن بریدر . بوراده ساچوقی حاکمیتک اناری چوقدر . حالا بایورد کویلرنده آق و قره قویونلیرم عائد عائله لر ، سلاهلر یاشامقده در . آنادولونک شعرو ادبیاتی بایورد ایله صمیمی صورتده مناسبتداردر . بایوردلی ذهنی ، شهرک صوک عصر ظرفده یتیشدیردیکی بر شاعردر . شهرک حرثی حیاتی ایله علاقه دار اولحق اوزره کچن سنه لرده تشکل ایش اولان « بایورد کنجلر یوردی » نك فعالیتی شایان تقدیردر . یورد ؛ آنادولوده آچیلیمی لازمکن اجتماعی خلق مؤسسه لرینک بر نمونه سی اوله جق قادار عصری و مایندره آخیلان کیجه درس لرینه بوتون خاق دولیور . بوندن بویوک نه خدمت اولابیلیر ؟ او قناعته یم که ، بایورد کنجلر یوردی بو مملکته ، بک چوق و خیرلی خدمت ایفاسته موفق اولاجقدر . کله جک مکتوبلرمده یوردک فعالیتلرینی موضوع بحث ایلیه جکمی شیعمیدین و غدا ایدرم . »